



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

11 f Tiburtius Märterer zů Rom.

urn:nbn:de:hbz:466:1-41449

f Tertio Idus Augusti.

Der XI. Tag im Augustmonat.

Zu Rom ist heut der Tag des H. Cromatij Statte-
 zuogts zu Rom / der ließ inn seiner Kranckheit S.
 Sebastianum vnnnd Policarpum seine Gößen zer-
 brechen / vnd ward alsbald gesund / ließ sich auch tauffen
 mit samt seinem gansen Hauffgesind / deren an zal vier-
 sehenhundert waren / vnder welche auch einer sein Sun
 Tiburtius. Dise alle haben auß rath des H. Pappis
 Caic die grewliche verfolgung Diocletiani geflohen /
 seind in Schampansen gezogen / vnnnd daselbst durch vil
 trübsal / hunger vnnnd kummer / inn das Himmelreich
 eingangen.

Item auch zu Rom der Geburtstag des heyligen
 marterers Tiburtis / so des ob gemelten Cromatij Sun
 war / vnd nach dem Tauff mit dem heyligen Pappi Ca-
 io / in stetem fasten vnd betten Gott dienet / ward darnach
 gefangen / müßt vnder dem Richter Fabiano mit blossen
 Füßen auß glienden Kohlen gehen / bekennet aber
 Christum desto beständiger. Ward endlich drey Meil
 von der Statt Rom geführt / vñ daselbst mit dem Schwert
 gericht.

Item noch zu Rom der heyligen Junckfrawen vñ
 Marterin Susanne / welche war ein Tochter des
 heyligen Gabini (von welchem am 19. tag Hornungs
 gemeldet ist) auch des heyligen Pappis Caic Bruders
 Tochter / Als sie des Tyrannischen Kayfers Diocele-
 tiani Sun zum Mann nicht haben / auch den heidni-
 schen Gößen nicht Opfferen wolt / ward sie erstlich mit
 Kolben geschlagen / vnnnd darnach inn der Gefencknuß
 endt.

Anno Dñi
287.Anno Dñi
287.

enthaubtet. Frey leib aber hat die H. Kayserin Serena bey nacht auffgehoben/in ein Thuen gelegt/ vnd haimlich darbey gebettet.

Item in der Statt Cameraco des H. Bischoffs vnd Beichtigers Gaugerici/ in Trierischer Landschafft geboren / haiset einen Auffesigen / nach dem er Priester ward : Hat darnach in Bischofflichem ampt sein Volk 33. jar mit dem Wort vnd Exempel fleißig vnd treulich vnderwisen / vnd ist endelich im seiden verschiden. Leuchtet mit wunderzeichen.

Anno Dñi
520.

Item inn der Statt Ebroas/inn Dilienser Herrschafft/ des heyligen Bischoffs vnd Beichtigers Laurini/ der ein Edler Römer/ vnd Bischoff zu Diliens/ ist von S. Dionysio geweyhet/ vnd von dem H. Papp Clemente inn Franckreich geschickt worden / Hat vmb seines getrewen Predigampts willen vil leyden müssen / als ihn die zwen Zauberer Cambyses vnd Zartödien wolten / machte er das Zeichen des H. Creuses ihnen entgegen / da kondien sie weder für sich noch hinter sich / ja ombbrachten sich selbs. Also warden ihre zwainsig iünger bekört / vnd darumb lieh der Pfleger Licinius ihn mit Rütchen schlagen / da aber der Schläger Hand verdorreten / ward Leonilla / des Licinij Hausfraw/ bekört. Folgendts nach dem Marinus des Licinij Sohn/ vnd sein Schiltknecht Paschasius auff dem Gesäg gehling von Pferden zu todt geführt / vnd von Laurino wider lebendig gemacht warden / ist Licinius sampt anderen zwölff hundert/ gläubig worden. Als aber des Laurini End naht / hat er an ein Sonntag geprediget vnd Reich gehalten / daselbst erschienen die Engel / vnd ein Volk erfüllet die ganz Kirchen mit süßem lieblichem Geruch. Als nun nach einer stund

die wolck vergieng / fand man den Bischoff / das er mit
aufgestreckten Händen vnd auffgehobnen Augen gen
Himmel / in seinem Stul verscheyden was.

Anno Dñi
794.

Item zu Paris die erhebung der H. dömin Kron
vnfers Herrn Jesu Christi / durch Kayser Carolum
Magnum / vonn Constantinopel gen Paris geschehen.
Dann da er das hailige Land von den Haiden eröbert /
nam er von dem Constantinopolischen Kayser diß stück
vonn der Kron / sampt anderen vilen Haythumben für
sein besoldung. Vey solcher Ehrwürdigen Kron seind vil
wunderzachen geschehen.

Anno Dñi
380.

Item zu Aquileia des H. Bischoffs vnd Beichtigers
Cromatij / welcher sein volck mit dem wort vnd Exempel
erwlich gelehret / vnd nach löblichem leben im seid ent-
schlaffen ist. Zu diesem Cromatio hat S. Hieronymus
etlich Episteln geschriben.

↳ S Tru-
donis statt,

Item zu * Sarchinio die erhebung der H. leiber Tru-
donis vnd Eucherij der Beichtiger Christi / geschehen
von Rudolpho dem Bischoff zu Lüttich.

Item zu Trier in der Thambkirchen / die erhebung
des Haupts S. Marckie des Apostels.

§ Pridie Idus Augusti.

Der XII. Tag im Augustimon.

§ **B**asilio / in Umbria / ist heut der tag der verschü-
dung der hailigen vnd Ehrwürdigen Jungfrawen
Clare / welliche / da sie eines Edlen geschlechtes war /
verlobete dannoch inn ihrer Jugent Gott stete Keusch-
heit / ward vonn ihren aignen Freunden vast angesoch-
ten /